



Gratulaziun da Heinz Brand (dretg) per Martin Landolt, president da la pbd svizra.

FOTOS G. N. STIGIER



Lucia Parolini, la figlia da Jon Domenic Parolini, sia donna Susanna Fanzun, Margrit e Hansörg Trachsel, cusseglier guvernativ en uffizi fin a la fin da quest onn.



In bun resultat er per Jörg Kappeler, il candidat dals verd-liberals.



In telefon suenter l'auter per Jon Domenic Parolini.

Ina tscherta constanza

Las partidas burgaisas partan la turta en il cussegl grond

DAD AUGUSTIN BEELI / ANR

■ **Nov vent en il cussegl grond: Quai pudess sa referir sin ils ideals da la Partida verd-liberala. Quella partida n'ha betg pudì rinforzar sia posiziun. Ella tegn ses dus mandats, na fa dentant betg dapli vuschs. Sch'i vegn discursi da victurs e sperdiders pon ins metter questa partida tar ils sperdiders. Gudagnà han la senestra e la dretga: La pps cuntanscha fermezza da fracziun e la ps conquista trais novs sezs. Las partidas burgaisas èn londervi da consolidar lur posiziuns.** Ier saira avant las tschintg en la sala Walpen da Radio e Televisiun Rumantscha a Cuira: Il monitor grond actualisescha mintga quart ura ils resultats. Anc adina mancan dus cumins, Foppa e Calanca. Enfin alura na fissi betg stà pussaivel da far ina prognosa, era betg far intervistas cun victurs e sperdiders. Entant che las elecziuns da la regenza han pudì vegnir communitgadas ad uras han ins stui spetgar ditg cun quellas dal parlament

chantunal. *Marcus Caduff* (pcd Lumnezia) aveva entant daditg pudì sa legrar da ses resultat personal. Il pievel da la Lumnezia ha reelegì el suveran. Il president da la pcd dal Grischun, *Stefan Engler*, deplorescha ch'ins n'ha betg pudì conquistar in dals mandats en l'Engiadina Auta. Enfin ch'ils resultats èn anc intermediars e la dumbraziun da Glion manca anc, registrescha la pcd ina perdita da sis mandats. Finalmain arriva la novitad ch'ins haja pudì dar liber il resultat dal cumin dalla Foppa. Trais mandats dapli per la pcd en il parlament chantunal. *Silvia Casutt-Derungs* sa legra. Ella è fitg satisfatga da ses resultat e po betg spetgar da returnar a Glion per engraziar e far in pau festa. Ensemen cun il cumin da Clastra e Sut Tasna ha era il cumin da la Foppa dad ir anc ina giada a l'urna per decider definitiv. Sco quai ch'igl è vegni ditg è la maiortad absoluta stada piz a cup.

Il maiorz è il crap da scarpitsch
La gronda sorpresa tar questas elecziuns

chantunalas ha forsa la pps mussà. En la proxima legislatura è ella represchentada cun 8 deputads, cun il dubel d'enfin ussa. Ella n'ha betg conquistà il post da *Hansjörg Trachsel* en la regenza, è persuerter rinforzada en il parlament. In pitschen frust pudess la Partida verd-liberala avair. Ella aveva spetga dapli sustegn dals Grischuns e dapli vent en las alas. Auter che a Cuira n'ha ella betg pudì conquistar ulteriurs mandats. La pvl passa sin granit tar il pievel grischun, ella n'ha nagin vent en il dies. Cussegljer naziunal *Josias Gasser* declara il motiv: Quai è cleramain il sistem d'elecziun dal maiorz. Cun il proporz avessan pitschnas partidas era schanzas.

En la sala Walpen han ins entant era pudì intervegnir che la pvl n'haja betg pudì persvader cun ses represchentants ch'ins giuditgescha sco main populars ch'ils auters. Deputà *Jürg Kappeler* aveva ditg ils 13 da zercladur 2010 suenter las davosas elecziuns dal cussegl grond: «Nus continuain cun noss engaschament per las finamiras da la pvl grischuna



e sperain che nus hajan en quatter onns dapli fortuna.» Enfin oz spetgan ils verd-liberals sin il vent necessari. In che pudess esser cuntent cun las elecziuns 2014 è il president dals socialdemocrats. *Jon Pult* gieva ier saira d'ina maisa tar l'autra en la sala Walpen, schivial e cun gronda persvasiun. Sia racolta è perinagiada sut tetg.

Ils 15 da zercladur segund scrutini

En quatter emnas, ils 15 da zercladur pudessi anc dar midadas che plaschan a la pld. Avant quatter onns aveva ella gudagnà cleramain las elecziuns. Quest onn vesi ora in pau main bun. Il resultat intermediar, senza resguardar ils cumins Clastra e Foppa, mussa ina reducziun da 6 sin 32 mandats. La pcd ha 30 e la pbd 27. La cumposiziun da las partidas fermas na pon ils resultats dals trais cumins restants ils 15 da zercladur betg influenzer essenzialmain. Ina chaussa è clara en mintga cas: Las trais fracziuns burgaisas partan la turta en il parlament chantunal.

ABSTIMMUNGSRISULTATE			
GR	Ja	Nein	
Medizinische Grundversorgung	89,1 %	10,9 %	JA
Pädophilen-Initiative	62,3 %	37,7 %	JA
Mindestlohn-Initiative	18,2 %	81,8 %	NEIN
Gripen-Beschaffung	50,7 %	49,3 %	JA

Grafik: La Quotidiana



Leo Koch (dretg), l'antier deputà da Tavau, cun cusseglier guvernativ Christian Rathgeb.



Guardan ils resultats. Cussegljer dals chantuns Stefan Engler (dretg) ed Andreas Rechenberg, l'antier president da la pbd da Cuira.



Qua eran anc ils liberals da buna luna: Daniel Kunfermann, Hansmartin Schmid, Michael Pfäffli e Silvio Zuccolini (da san.).



In egl sin la tavla dals resultats: Maurus Dosch ed Urs Marti, president da la citad da Cuira (da san.).



In um dumandà er anc vers saira: cusseglier guvernativ Mario Cavigelli.



Resultat excellent per il deputà liberaldemocrat ed Engiadinais Gian Peder Niggli.